



OTPREMLJENO

03 08 2023

potpis

Broj: 03-05-04-28593/23
Sarajevo, 03.08.2023. godine

KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo
Elvedin Okerić

**Predmet: Odgovor na zastupničku inicijativu zastupnice u Skupštini Kantona Sarajevo
Admele Hodžić, dostavlja se –**

VEZA: Vaš akt broj: 01-04-39-10/23 od 13.06.2023 godine

Na sjednici Skupštine Kantona Sarajevo u okviru tačke dnevnog reda "Poslanička/zastupnička pitanja, inicijative i odgovori", zastupnica u Skupštini Kantona Sarajevo Admela Hodžić, postavila je zastupničku inicijativu Ministarstvu pravde i uprave Kantona, koja glasi:

„U skladu sa članom 213. Poslovnika Skupštine Kantona Sarajevo („Službene novine Kantona Sarajevo“, broj 41/12 – drugi novi prečišćeni tekst 15/13, 47/13, 47/15, 48/16, 9/20, 14/20, 16/22 i 17/22 – Ispravak), podnosim inicijativu Ministarstvu pravde i uprave Kantona Sarajevo da zaduži Upravni inspektorat Ministarstva pravde i uprave Kantona Sarajevo da provede cjelokupnu proceduru kontrole ispravnosti postupka kojim nezaposleni demobilisani borci mlađi od 57 godina ostvaruju prava „egzistencijalnih mjesečnih naknada nezaposlenih demobilisanih boraca mlađih od 57 godina“, u svim općinama Kantona Sarajevo za zahtjeve za ostvarivanje ovih prava koji su predati općinskim službama od 01.10.2022. godine do 30.04.2023. godine i dostave izvještaj svim zastupnicima Skupštine Kantona Sarajevo o stvarnom stanju i poduzetim mjerama.

ODGOVOR

Postupajući po zastupničkoj inicijativi zastupnice u Skupštini Kantona Sarajevo Admele Hodžić, Upravni inspektorat Ministarstva pravde i uprave Kantona Sarajevo je na osnovu ovlaštenja utvrđenih članom 144. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), aktom broj: 03-05-04-28593/23 od 20.06.2023. godine, od Općine Centar Sarajevo, Općine Stari Grad Sarajevo, Općine Novo Sarajevo, Općine Novi Grad, Općine Ilidža, Općine Hadžići, Općine Vogošća, Općine Ilijaš i Općine Trnovo, zatražio dostavu slijedećih informacija:

- koliko je predmetnih zahtjeva podneseno,



- da li je poštujući pravila upravnog postupka i rokove propisane Zakonom o upravnom postupku ("Službene novine Federacije Bosne i Hercegovine", br. 2/98, 48/99 i 61/22), po podnesenim zahtjevima odlučeno,
- za koliko zaprimljenih zahtjeva nije donesena odluka.

U vezi podnesenog zahtjeva za dostavu informacija, općine u Kantonu Sarajevo dostavile su slijedeće informacije:

Od Općine Centar Sarajevo dostavljena je informacija, broj: 09/A-11-4382/23 od 07.07.2023. godine, u kojoj se navodi, da je zaključno sa 30.06.2023. godine u Odsjeku za boračko invalidsku zaštitu evidentirano 260 korisnika egzistencijalne naknade za demobilisane borce mlađi od 57 godina.

U Odsjek za boračko invalidsku zaštitu trenutno su zprimljena tri zahtjeva za ostvarivanje prava na egzistencijalnu naknadu za demobilisane borce mlađi od 57 godina, odluke nisu donesene jer je u postupku rješavanja po zahtjevima od stranaka zatražena dopuna dokumentacije.

Od Općine Stari Grad Sarajevo dostavljena je informacija, broj: 08-37-4984/23 od 10.07.2023. godine, u kojoj se navodi, da je zaključno sa 30.04.2023. godine, Općina zaprimila 40 zahtjeva za priznavanje prava na novčanu egzistencijalnu naknadu za demobilisane borce mlađi od 57 godina, te da je po podnesenim zahtjevima donesena odluka.

Od Općine Novo Sarajevo dostavljena je informacija, broj: 14-37-7-5403/23 od 04.07.2023. godine, u kojoj se navodi, da je zaključno sa 30.04.2023. godine, Općina zaprimila 44 zahtjeva za priznavanje prava na novčanu egzistencijalnu naknadu za demobilisane borce mlađi od 57 godina. Od podnesenih zahtjeva za 25 podnosioca zahtjeva donesena su rješenja o priznavanju prava na novčanu egzistencijalnu naknadu, jedan podnosilac zahtjeva je odbijen za ostvarivanje prava, dok je za 17 korisnika donesena rješenja o prestanku prava na novčanu egzistencijalnu naknadu.

Od Općine Novi Grad Sarajevo dostavljena je informacija, broj: 02/07-37-190/23 od 06.07.2023. godine, u kojoj se navodi, da je zaključno sa 30.04.2023. godine, Općina zaprimila 45 zahtjeva za priznavanje prava na novčanu egzistencijalnu naknadu za demobilisane borce mlađi od 57 godina, da je po podnesenim zahtjevima u zakonskom roku odlučeno, osim po dva podnesena zahtjeva.

Od Općine Ilidža dostavljena je informacija 28.07.2023. godine, u kojoj se navodi, da je zaključno sa 30.04.2023. godine, Općina zaprimila 33 zahtjeva za priznavanje prava na novčanu egzistencijalnu naknadu za demobilisane borce mlađi od 57 godina, te da je po svim podnesenim zahtjevima odlučeno.

Od Općine Vogošća dostavljena je informacija, broj: 09-37-int-437/23 od 28.06.2023. godine, u kojoj se navodi, da je zaključno sa 30.04.2023. godine, Općina zaprimila 14 zahtjeva za priznavanje prava na novčanu egzistencijalnu naknadu za demobilisane borce mlađi od 57 godina, te da je po svim podnesenim zahtjevima u zakonskom roku odlučeno.

Od Općine Ilijaš dostavljena je informacija, broj: 02/2-37-129/23 od 27.06.2023. godine, u kojoj se navodi, da je zaključno sa 30.04.2023. godine, Općina zaprimila 14 zahtjeva za priznavanje prava na novčanu egzistencijalnu naknadu za demobilisane borce mlađi od 57 godina, te da je po svim podnesenim zahtjevima u zakonskom roku odlučeno.

Od Općine Hadžići dostavljena je informacija, broj: 06-37-36447/23 od 03.07.2023. godine, u kojoj se navodi, da je zaključno sa 30.06.2023. godine, Općina zaprimila 19. zahtjeva za priznavanje prava na novčanu egzistencijalnu naknadu za demobilisane borce mlađi od 57 godina, te je za 18 podnesenih zahtjeva donesena odluka i da nije donesena odluka po jednom podnesenom zahtjevu, te je upućena obavijest stranci za dopunu zahtjeva. Napominje se, da je na zahtjev Upravnog inspektorata, dana, 02.08.2023. godine, dostavljena informacija da je donesen zaključak po preostalom nerješenom zahtjevu.




Od Općine Trnovo dostavljena je informacija, broj: 02/1-37-2734/23 od 20.07.2023. godine, u kojoj se navodi, da je zaključno sa 30.04.2023. godine, Općina zaprimila 3 zahtjeva za priznavanje prava na novčanu egzistencijalnu naknadu za demobilisane borce mlađi od 57 godina, te da je po svim podnesenim zahtjevima u zakonskom roku odlučeno.

S poštovanjem

Dostaviti:

1. naslovu;
2. Admela Hodžić
zastupnica u Skupštini Kantona Sarajevo;
3. Stručna služba Vlade Kantona Sarajevo;
4. a/a.



Glavni upravni inspektor

Hasan Zennaro



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba